

四川大學古籍整理研究所編

儒藏

史部

第八十三冊

四川大學出版社

B222
30
(83)

四川大學古籍整理研究所 編

儒藏·史部

儒林年譜

第三十三冊

四川大學出版社 二〇〇七年

國家「211工程」重點學科建設項目

國家「985工程」創新基地規劃項目

中國孔子基金會重大項目

目錄

榕村譜錄合考	清・李清馥 編撰	一
邵念魯年譜	姚名達 編撰	二八九
查他山先生年譜	清・陳敬璋 編撰	四一一
張清恪公年譜	清・張師栻 張師載 編撰	四八一
尋樂堂日錄	清・寶克勤 自撰 寶容莊 寶容邃 同編	七三七



儒藏

榕村譜錄合考

清·李清馥編撰

楊世文校點

郭齊一審

蔣宗許二審

清道光六年刻本

《榕村譜錄合考》二卷，清李清馥編撰。清道光六年安溪李氏刻本。

譜主李光地事蹟，見前《文貞公年譜》。

李清馥，字根侯，安溪人，光地之孫。以光地蔭，授兵部員外郎，官至廣平府知府。編纂有《閩中理學淵源考》九十二卷，斷自楊時，下迄明末。四五百年之中，理學在閩中之師傳授受，尋端竟委，井然有序，考據頗為詳核。又著《閩學志略》十七卷，詳盡不如前書。

是譜在李清植《文貞公年譜》的基礎上，廣徵語錄、墓誌、文集等，進行了大量的補充，凡光地之出處、仕宦、交遊、講論、著作等，皆詳加考訂。其中與光地關係密切之陳夢雷、湯斌、熊賜履等，皆詳錄其遺事，考辨其糾葛。光地在朝中與康熙之問答，亦詳加筆錄，務求本末明晰。蓋是譜意在辨誣，故於世議光地二事：一陳夢雷絕交書云其賣友，一彭鵬劾其貪位忘親，辨析尤多。

榕村譜錄合考卷上

孫清馥根侯纂輯

門下士官獻瑤瑜卿

曾從孫玉鳴廷璜

曾孫宗文廷彬全參訂

元孫維迪爾啓校梓

先世淵源。

公諱光地、字晉卿、號厚菴。先世居延平之尤溪、相傳爲唐江王元祥後。初祖君達公、始遷安溪之常樂里、後遷感化里之湖頭鄉。六世祖樸菴公、以義烈聞海內、廣有陰德、其後始大。遠祖念次公、慷慨樂施、敬禮賢士、復修樸菴之業。



儒藏

考惟念贈公、孝德追遠、篤嗜正學。生四子、公其長也。

明崇禎壬午秋九月癸酉、公生。

按年譜、公在孕時、山海江滌、母吳氏避居於外氏之華地鄉、以九月初六日亥時生公、因以其鄉名名公云。

癸未年二歲

大清順治元年甲申、年三歲。

二年乙酉、年四歲。

三年丙戌、年五歲。入幼學。

按墓誌、讀書倍文、功力過人。○按續語錄、公自言五六歲時、只好字、嘗至關帝廟中、認聯對、輒用炭向地板上學寫。

故未入塾先
識許多字。

四年丁亥年六歲。

按續語錄一日族兄在明先生光龍至贈公館舍偶出對
命公對云飛龍在天公對游魚宗海在明喜曰宗字大妙
何處得來稱贊不已。○光龍字蟠卿崇禎癸未進士丙戌
隆武建號授翰林院簡討後自號在明餘隱累徵不起文
章行誼有
名于世。

五年戊子年七歲就學於外祖家。

按年譜是年從母就學於外祖家有先達聞其奇
穎邀與相見氣度儼若成人先達異之接以賓禮。

六年己丑年八歲。



按墓誌、公八歲、季父西岡先生日煬指廳事幅畫令對曰、一幅丹青、繪盡古今來山水人物、畫工化工。公應聲曰、兩道乾坤、曲成天地、閉走飛、草木、陰氣陽氣、其風負襟抱如此。

七年庚寅年九歲。

按年譜、塾課之暇、季父西岡夜授以離騷、成誦卽知大意。及後陷賊、幽累中以代歌謠、遂能徵事詰文、訂舊說而抒新義。

八年辛卯年十歲。

九年壬辰年十一。

十年癸巳年十二。



儒藏

松墓誌、贈公日命五題、自
辰至酉、楷畢、居然大篇。

十一年甲午、年十三、畢誦羣經。

按年譜、聰慧益開、而鋒鏑歛戢、循循
恭謹、侍坐於長者、日暮不敢就寢。

十二年乙未、年十四、夏六月、陷於賊。

按年譜、時鼎革未幾、鄭氏假託殘明、沿海為寇。山賊林日
勝乘亂竊發、結黨仇寇穴巖嶮間、四出侵掠。贈公偕弟西
岡挈家避迹洋山山堡。適賊黨出掠別堡、西岡捕之、賊以
為憾。六月三日夜掩堡、盡劫老穉兒女十二人、以去。獨贈
公走脫。賊挾質索贖、公祖念次公財竭意慙、至十一月、竟
以憂殞。於是仲父漁仲先生日燥聞難奔歸、既卒哭、赴減
午食、期反弟若姪共死生、為辭自矢。見譜遂衰麻、跟從
一僕、行百里、詣賊壁、以省弟姪聲淚甚哀、引義慷慨。賊魁

亦感其誠、禮遣之。乞以財贖、要言而歸。

十三年丙申、年十五。秋七月癸丑、自賊拔歸。

按年譜、漁仲旣輸贖、賊望難厭、訖無見還意、乃募鄉壯、先後破賊砦十數、舉家十二口以次拔歸。○按榕村文集、賊所踞山、巉巖不可上、其陰背九險絕、不爲防。仲父乃練家僮、并傭食者、纔百人、涕泗與謀。衆皆曰、願死。丙申四月九日夜、犯大霧、雨以登、先至二十八人耳。度天已曉、卽吹羸直指魁帳。賊出不慮、又霧厚不辨衆寡、狼狽奔崩、投崖下者無算。出季父弟二人、餘猶繫他山。魁亦走脫、遂大徵合遠近部賊將、萬餘人、晝夜攻奪故壘。仲父用百人者、據其阻、日與之戰、以一當百、無不摧者。自夏涉秋、小大百餘鬪、賊散亡畧盡。十口次第拔歸。地與次弟鼎徵實殿。七月七日也。○按年譜、公之陷賊也、舉止軒軒異常兒。時取賊兒書讀、日勝異之、每過堂下、必起立加敬。一日、日勝閱其衆、

公投以詩、有戰、插雲天、疑雪結、師行地、水似風來之句。日勝顧其黨曉文義者、令爲解說、數曰、真英物也。及連破於我、日勝遷竄無恒處、猶謹挾公以居、奇故公最後脫。日勝嘗遣其從子沐先詐漁仲以冀緩師、曰、已殺君第四姪矣。再戰、則諸兒皆將、不免。漁仲不意爲虛喝也、遂斬之以相當。日勝聞則大怒、拔劍擬公、其黨莊進曰、紫日常獨奇此子、奈何爲德不卒耶。日勝曰、然則落其大指、劍落矣、進急持之曰、是兒年幼、指落斷無生理、就令幸活、終身無用也。且李氏勢熾、所以未窮其銳者、子在故耳。卒聞子殘、關必益力、我軍其能支乎。日勝乃投劍而罷。

附漁仲先生遺事。

按、從子良湖先生鍾旺撰帽頂山紀恩碑、畧曰、帽頂山者、先伯祖漁仲先生破賊巢、平賊亂之所也。順治初、鄭成功阻兵海島、有山賊林日勝者、納款於成功、僞授伯爵、遂據茲山。時先祖及季祖兩家俱陷其砦。先生在三山、聞信遽

歸、卽登山、欲見日勝。道出山下、遇勝從子興洙、勸先生必不可入。先生不從、而賊黨聞先生來、競勸日勝必不可出。先生於山、俄而日勝出見、先生慷慨而言、涕泗交下。日勝亦感動、久之乃曰、人皆勸我留汝、惟汝豪傑、敢入吾營。惟我豪傑、敢放汝出營。先生語既不合、遂歸。賊黨從後呼曰、勝曰、本爵獨不敢留此人耶。日勝悔、追追之。其從子興洙已伺門壘前、卽擁護已脫。先生歸、使辨士說日勝、萬端勝藐以力所必不能。先生已有襲奪取勝之心、未有以決。有僧銳峯、明禪理、多智謀、與先生厚善。一日、字先生曰、葆甫徒自苦此茫茫者、終何時了。先生曰、奈何。師乃言日勝若中情形、并陳襲取之策、謂其徒悔、雲能識山後路。先生乃陰納鄉衆、佯爲捕狸鼠者、從茲山背後削土級、使緣蘿可登。先生遣鄉衆後、與銳師弈棋。適天大雨、鄉衆徑抵茲山石壁下、夜已盡三更。值天微明、約會、相視、纔二十八人耳。乃鳴螺大呼、賊從睡夢中、狼倉奔保旁山別寨。家親奪歸者大半。後累與賊戰、悉摧其鋒。家親畢歸胥完。日勝窮窶。



至漳歸誠。歷職至總兵官。其從子興沐後亦歸誠。以軍功歷建義將軍。授侯爵。○按家傳。漁仲嘗語公曰。自先人以來。吾世甚樸。及吾而從事於學。上下百家。鏗鏘陶冶。亦或見古人庶幾焉。今汝等已能自通於時。吾爲藝祖矣。故其古作原委。經傳。彌漫於羸劉。而得其肖。合若干卷。曰盤嶼。傭言。先生氣仁。語溫。風度春容。雖臨金革倉卒。言動不異於常。暴慢之人。見先生者。莫不願悅慕效。自少至老。未病未嘗一日去書也。

十四年丁酉年十六。受學於家庭。

按贈公墓誌。解難後。贈公出故書數麓。詮次指授。趨庭提耳。祖宋而禘漢。先經而後史。用以端學術。正趨向。礱磨鑢盪。茹蘖食荼若干年。○按贈公家傳。先生教子必備熟讀。經。溥及天文。地理。六韜。九章之言。悉俾瞭然於心口。而後出帖括授之。諸子非十五而上。不知有八股業也。○按文集。書贈公遺帖後畧曰。鄭康成云。天不欺至誠者。先君子

平日多見忽於人而蒙神諒凡叩卜祈禱及夢寐感通之事鮮不應者。此事脫難後先君子每每言之。是年丁酉八月朔父又夢大父與同郡先正蔡虛齋先生合居壁閒語錄盈滿記其語云寒暑非可意定故隨時爲靜中功夫。不可知爲何祥。然父生明季士習披猖之時動以先儒詬病乃獨多蓄程朱書及同郡蔡林諸公講說諄諄教授諸子精誠交通蓋非偶然者。

十五年戊戌年十七。

按年譜贈公貧無宅舍僦居於洋山岩中。是春病疝大劇每深夜公輒陰啓牖櫺長跪致禱一夕感異夢若有告者曰尊人無恙大期之疾在口非疝也。問其年示以二指自是贈公疾漸瘳。○公嘗曰吾年十七值秋熱病痢幾殆已愈乃立志向學。○按行狀時家計已大罄益自刻苦窮日夜專心一力嘗積月危坐不就枕席所講誦無旁雜卓然



以前修自期、不徒追時好、務應舉之業而已。

十六年己亥年十八。始講性命之學、纂性理一部。

按續語錄、明末閩中學者飲酒讀史、崇尚李卓吾書、舉國若狂。而先君篤好性理、嘗購買得一部、內府板性理、喜若重寶、歸而督子讀之、遂開子孫讀書一派。○按年譜、公既厲志、首抽性理之編、每夜手錄數千言、晝則熟誦精思、窮極深微、遂毅然希蹤前哲、敝衣冠、謹坐起、非程朱不敢言。尊卑閒憚之、聞公來、則裸者衣、謹者息、因噪爲假道學。公聞之曰、夫假者外然而中不然也。若心知不可、勉厲自持、非可謂假。且特儒者疏節耳、何張皇及道學也。

徙歸舊里。

按贈公墓誌、解難後、一意教課、鍵戶三年。而公亦思出矣、筮易得震、公曰、知者觀其彖辭而思過半、士大夫亦有宗